

越古

絕史

書考

一全

Z121.6
1
(2)

古史攷



潮陽鄭氏用孫氏平津館本刊

古史考序

先秦已前佚事惟見于世本後世摭摭子傳爲書有三皇本紀及路史通鑑外紀諸書皆濫觴于蜀人譙周周書久之與世本俱亡蘇氏轍金氏履祥之書反行于世蓋無足觀矣余嘗惜繹史尙史蒐羅古事之不精不備欲爲尙書翼傳以紀唐虞三代之事載明出典未有暇日因檢故友章孝廉所輯古史考一冊畧爲整理付之剞劂俾考古者有所資焉章孝廉名宗源字逢之以對策博瞻中乾隆丙午科舉人好輯佚書欲依隋書經籍志目爲之考証所輯書滿十餘笈始欲售之畢督部會楚中有兵事而止予時官山

東兗沂曹濟道欲購之未果君旋惑于廣慧寺僧素食誦經予告以素食爲喪節誦經非先生法言不悔也已而僧以賄敗牽連及君故事斥革科甲應上請故相擅權變亂舊章曰我吏部也去一舉人名易耳君旣不得與禮部試意境寥落所館居停厭薄之焚其所授書嘗言吾教學令學徒集十三經中夏殷二代軼禮惜爲主人燬之矣其篤好古學猶類此卒于嘉慶某年某月某日遺書遂爲中書葉君繼雯所得其波及予者十之一二亦無經史要帙此其手定稿之一也嗚呼惜哉嘉慶十一年六月二十一日孫星衍序於安德使署之平津館

譙周古史考一卷

蜀志譙周本傳著法訓五經論古史考按史通外
篇稱晉散騎常侍巴西譙周以遷書周秦已上或
采家人諸子不專據正經於是作古史考二十五
篇皆憑舊典以糾其謬今則與史記並行於是代
焉觀知幾所言雖與史記並論証以史考之名檢
其逸篇體例實異正史唐志列於雜史者是也文
選王元長曲水詩序注引公孫述竊位蜀人任永
記目盲一事蔚宗書亦載之是又兼及後漢事不
獨糾遷書矣史記集解諸書所引或祇稱譙周或
稱史考或稱考古史今以本傳爲正晉書司馬彪

傳言彪復條古史考中凡百二十二事爲不當多
一据汲冢紀年之義隋唐志俱不著錄其軼文亦無
引之者乾隆丙午科舉人宛平章宗源

有熊國君少典之子也

史記五帝本紀集解

案五帝本紀索隱云譙周字允南蜀人魏散
騎常侍徵不拜此注所引者是其所著古史
考之說也

以唐封堯之子以虞封舜之子

史記集解同上又史記正義亦引以虞封

舜子句

殷凡三十一世六百餘年

史記殷本紀集解

史記武王十一年東觀兵十三年克紂

史記周本紀集解

以太王所居周地爲其采邑故爲周公

史記魯世家集解

周之支族食邑於召謂之召公

史記燕世家集解

案尙書君奭序正義亦引召公周之支族句

世家

或作世本誤

自宣侯已下不說其屬以其難明故也

史記集解同上

案燕世家索隱云譙周曰系本謂燕自宣侯

已下皆父子相傳無及故系家桓侯已下不

說其屬以其難明故也此所引較詳刊本集

解世家或作世本誤又宣侯亦宜作桓侯

按春秋傳燕與子頹逐周惠王者乃南燕姁姓也世

家以爲北燕失之

史記集解同上

案燕世家索隱云譙周云據左氏燕與衛伐周惠王乃是南燕姁姓系家以爲南燕伯故著史考云北燕是姁姓也

老童卽卷章

史記楚世家集解

蘇秦字季子

史記蘇秦列傳集解又索隱云嫂呼小叔爲季子允南卽以爲字未之得也

益州天苴讀爲苞黎之苞音與巴相近以爲今之巴

郡

史記張儀列傳集解

案張儀列傳索隱云譙周蜀人也知天苴之

音讀爲芭黎之芭

長平之陷乃趙王信間易將之咎何怨平原受馮亭

哉

史記平原君列傳集解

秦用衛鞅計制爵二十等以戰獲首級者計而受爵
是以秦人每戰勝老弱婦人皆死計功賞至萬數天
下謂之上首功之國皆以惡之也

史記魯仲連
列傳集解

右史記集解引十二事其陳杞世家謂佗卽五父
事詳見索隱又趙世家引古史考曰內其女曰娃
又云年表及史考趙遷皆無諡語不能整故不編
入正文後倣此

呂不韋爲秦子楚行千金貨於華陽夫人請立子楚
爲嗣及子楚立封不韋洛陽十萬戶號文信侯

劉義慶世

說言語
篇注

庭堅號曰皋陶舜謀臣也舜舉之於堯堯令作土主

刑世說政事篇注

右世說注引二事

武王遷鎬長安豐亭鎬池也劉昭續漢郡國志注

鄭厲公入櫟卽此也陽翟同上

有曲仁里老子相有賴鄉同上

趙衰居原今原平縣同上

舜居百揆總領百事說者以百揆堯初別置於周更

名豕宰斯其然矣百官志注

黃帝作車引重致遠其後少昊時駕藝文類聚作畧加廣韻注作少

昊時加剛其後二字牛禹時奚仲駕馬輿服志注又藝文類聚舟車部初學記器物部

案通典禮部引古史考曰黃帝作車至少昊

始駕牛及陶唐氏制彤車駕白馬則馬駕之制也又太平御覽車部所引與劉昭注同惟末增仲又造車更廣其制度也二句

右續漢志注引六事

伏羲作瑟

毛詩譜序正義

古有塤箎尙矣周幽王時暴辛公善塤蘇成公善箎記者因以爲作謬矣

詩小雅正義又爾雅釋樂疏

案張揖博雅釋樂注引云有塤尙矣周幽王時辛公善塤太平御覽樂部亦引此而首句刪塤字並刪周幽王時暴辛公善塤二句

右詩正義引二事

顓頊帝嚳帝之身號高陽高辛國氏土地之號高陽

次少昊高辛次高陽堯承高辛之後

左傳文
公正義

右左傳正義引一事其少昊一事詳見太平御覽

又昭公疏云譙周考古史以爲炎帝與神農各爲

一人

秦殺其大夫李斯

史通模
擬篇

右史通引一事

禹作土塋以周棺塋音卽七反

後漢書趙咨傳注案
塋音句似章懷詒

案太平御覽禮儀部引有舜作瓦棺湯作木

棺二句

右後漢書注引一事又案鄧騭傳論注云樂毅忠

於燕昭王其子惠王立而疑樂毅樂毅懼而奔趙
趙王謂樂毅曰燕竭力於齊其主信讒國人不附
其可圖乎毅伏而垂涕曰臣事昭王猶事大王也
臣若獲戾於它國沒身不忍謀趙徒隸况其後嗣
乎事見古史考刊本或脫事見句

伏羲神農黃帝爲三皇少昊高陽高辛爲五帝

史記五帝

本紀
索隱

案禮記曲禮正義引古史考云燧人伏羲神
農爲三皇語較異

契生堯代舜始舉之必非嚳子以其父微故不著名
其母娥氏女與宗婦三人浴於川元鳥遺卵狄吞

之

史記殷本紀索隱

死稱廟主曰帝

索隱同上

夏殷之禮生稱王死稱廟主皆以帝名配之天亦帝也殷人尊湯故曰天乙從契至湯凡十四代故國語

曰元王勤商十四代興元王契也

索隱同上

棄帝嚳之胄其文亦不著

周本紀索隱

案國語云世后稷以服事虞夏言世稷官是失其代數也若以不宙親棄之子至文王千餘歲惟十四代

實亦不合事情

索隱同上

繆公名任好

索隱同好

初爲軍賦

索隱同上

步以人足非獨秦制

始皇本紀索隱又史記正義引步人以足爲數非獨秦制然多

爲數然

三字

呂尙姓姜名牙炎帝之裔伯夷之後掌四岳有功封

之於呂子孫從其封姓尙其後也

齊系家索隱

呂望常屠牛於朝歌賣飲於孟津

索隱同上

秦既燔書時人欲言金縢之事失其本末乃云成王

少時病周公禱河欲代王死藏祝策於府成王用事人

讒周公周公奔楚成王發府見策乃迎周公

魯系家索隱

系家襄伯生宣伯無桓公

燕系家索隱

春秋傳謂他卽五父與此違者

裴駟集解亦引此二句他作佗下句作世

家與傳違

此以他爲厲公太子免弟躍爲利公而左傳以

厲公名躍他立未踰年無諡故蔡人殺陳他又莊二十二年傳云陳厲公蔡出也故蔡人殺五父而立之則他與五父俱爲蔡人所殺其事不異是一人明矣史記旣以他爲厲公遂以躍爲利公尋厲利聲相近遂誤以他爲厲公五父爲別人是太公錯耳班固又以厲公躍爲桓公弟又誤

陳杞系家索隱

惠公生成公及桓公

索隱同上

熊渠卒子熊翔立卒長子摯有疾少子熊延立

楚系家索

隱

徐偃王與楚文王同時去周穆王遠矣且王者行有周衛豈聞亂

史記正義作豈得救亂

而獨長驅日行千里乎

趙系